

士承旨危素居報恩寺亦欲入井寺僧止之


曰公死是無史也公乃自免

葉子奇曰元自混一以來大抵皆內本國而外中國內北人而外南人以至深閉深拒曲為防護自以為得親踈之道是以王澤之施少及于南滲漉之恩悉歸于北故貧極江南富稱塞北見于偽詔之所云也迄今天祿之遷盡歸于南于此可以見乘除勝復之理也自慢藏于方誨盜于韓獎亂於也先啟事于荅麻而天下之勢十已去七八矣于是山東西河南北淮左右皆為寇壤城郭邱墟積骸如山後雖命李察罕收復河汴不意輕信降寇為田豐之所

襲殺其子王保代領其眾糧師驕不相統一字羅又生內變兵稱犯闕謀易太子譬之羸病之人日以粥藥扶掖猶懼不濟况復以峻導毒劑繼之哉縱無外寇尚直喪亡今百萬之兵振之其能奄延數歲直至甲申而後失國亦云幸矣

王禘曰自古國家其滅亡之道不一也曰女寵曰宦官曰權臣曰強藩此四者皆足以亡國而順帝蓋並有之加以權綱之既弛知慮之益荒其亡也宜哉


高岱曰聖祖之取中原克元都如摧枯拉朽耳雖天命



有在而元人所以禦之者曾無一策夫元將之善戰者要
莫如擴廓帖木兒觀其在陝西以敗亡孽餘猶能跳梁躅
躅力抗王師亦雄健之將才也假元兵使總經略之兵禦
之雖終無濟于國家大事或可少延旦夕之命未必滅亡
之易至此也乃使庸駕羣醜勉事支吾吾以中原之廣都
城之下未聞有建牙開閫旗鼓相當而逞一戰之能者誠
所謂搏抄捧上以塞盟津之決夫豈有社稷之遠圖哉
王世貞曰當察罕之圍汴而走劉福通江東僅有濠耳李
羅訖而察罕內顧是李羅代為江東問其破益都而如山
之鉄騎壓江東立靡矣田豐王士誠之刺行而擴廓悉力
而僅勝是二人代為江東問也夫既以誅李羅靖內難而
江東之舉友諒滅九四而擴廓之力小弱矣太子乃以欲
速之私憾而分其將蓋退削者踰歲雖幸而稍振而十不
能支江東之一矣是太子又自為間也嗚呼以一江東之
微而養之使強皆元為之非元為之天實為之哉

壬申徐達遣元尚書九住還太原告諭擴廓帖木兒又遣將
應宗往琢州招前廣平守將平章周昱尋獲之

癸酉徐達命鎮撫吳勉攝大都督




甲戌授張正常正一嗣教護國闡祖通誠宏道崇道大真人
領天下道教草天師秩正二品

徐達遣平章韓政分守廣平招降白土等三十六寨

乙亥漳州府通判王禕奏人君脩德之要有二曰忠厚以存
心寬大以為政周家忠厚故垂八百年之基漢室寬大故成
四百年之業簡策所載不可誣也臣聞之人君莫先于法天
道莫急于順人心法天道順人心則存于念自忠厚行于政
自寬大 上嘉納之時及元政尚嚴厲故禕以為言

丁丑遣官釋奠孔子及春秋二仲丁上日

定六部官制尚書秩三品侍郎四品郎中員外郎主事遞次
之吏部尚書滕毅侍郎樊魯璞戶部尚書楊思毅侍郎劉誠
禮部尚書錢用任侍郎世家寶兵部尚書陳亮侍郎朱珍刑
部尚書周楨侍郎盛京輔工部尚書單安仁侍郎張文將作
司隸工部裁司農大理二司毅等入見諭曰國家之事總之
者中書分之者六部凡諸政務須竭心經理或有乖謬則遺
患于天下可不慎哉
御史中丞劉基予告初 上北巡基按劾不避權貴官吏有
犯即捕治之中書省吏李彬翫法丞相李善長欲緩之獄具



奏可即斬之方旱雨隨注善長不憚乘間訐其專不聽會妻
喪許歸青田

有二風憲官廷訐一甚口一簡緩上直其簡緩者戒郡臣
毋取便給

徐達命指揮華雲龍脩元都城
戊寅祀太社太稷

上將復幸北京諭六部官各任職
徐達遣宣武衛鎮撫楊以舟師守直沽


已卯大赦天下詔曰日者元政陵夷民未安養群雄蜂起
疆宇瓜分朕以布衣入戎位拯生民塗炭提孤軍與豪傑同

志者思所以靖之賴天之靈因民之利干戈所至弱殞強服
大江之北以際南海罔不來臣重念推戴以來軍士勞苦農

商罷業未有以安之賢人君子道匿巖穴未有以來之刑亂
重典未有以平之供億煩重未有以紓之是用陰陽差繆水

旱不時天災屢見朕甚憂焉爰布洪恩與民更始云嗚呼
民墜塗炭十有七年蕩析離居光岳之氣于焉始復繼自今

各厚爾生共享太平之福以臻雍熙不其偉歟
壬午改大都路曰北平府徵元故官送京師



上發南京

徐達命傅友德分兵守蘆溝橋乘隙不其計

癸未命徐達置燕山等六衛護北平于是立大興燕山永清

左右衛

命徐達常遇春取山西留兵三萬人分成六衛都督副使孫

興祖僉事華雲寵守之

詔御史大夫湯和為偏將軍與平章楊璟從征山西晉冀

免浙西長興吉安明年田租謂歸附以來歲勞供億

戊子徐達遣薛顯傅友德陸聚等略大同

己丑立廣洋衛江陰千戶所為江陰衛

元桂彬等守將叅政陳虎都率眾降

壬辰指揮曹諒等克裕州泉白寨擒元平章鄧雲等送行在

上義之其堅守賜襲衣衾禱授溧水知縣

癸巳 上至北京

改衛輝路曰府獲嘉縣隸之

故元留守迭里迷失等謀作亂事泄僇其黨有差


甲午右副將軍馮宗異從征山西

温州南溪人董孟怡等作亂温州衛指揮僉事吳廣兵往先

國權

洪武

百七十四



諭散其黨止誅孟怡等三人

遣內官往北平放元宮人

有御史訐陶安隱事 上詰之曰聞于道路 上曰以道路

之言中人非法也命中書省斥之

夜熒惑犯太微西垣上將

是月造乘輿服御諸物宜塗黃金命銅代金有司言費有限

上曰朕不先儉何以率下

九月己亥克東安州

壬寅置大都督分府于北平都督副使孫興祖領府事指揮

華雲龍為分府都督僉事

癸卯司農少卿杭琪為戶部侍郎

元湖廣平章聶興宗自德安率眾降

江西行省叅政陶安卒安主敬當塗人敏悟博洽任名道

書院山長 上至太平迎謁留幕府拜左司員外郎遷郎中

出知黃州寬祖省徭移饒州值寇有保障功吳元年拜翰林

學士後叅省疾甚上時務二十事年五十九 上自文祭之


追封姑孰郡公

袁袞曰 高皇帝之渡江也三吳豪傑未有至者而安獨

國權

洪武

百五十五



首謁所定皆大計卒之定基金陵弔伐之師遠過湯武安
言悉驗非三代才能之乎昔鄧禹追光武于鄴下房玄齡
謁太宗于軍門皆一言合意遂為有功如陶公者豈出房
鄧下乎尚論其世亦劉宋之匹儔也

戊申都督同知張興祖下永州

立洪武門千戶所

夜熒惑犯右執法

壬子夜太陰犯畢宿

癸丑置輝州琪州

隸河南
衛輝府

安陽湯陰臨漳彰德等縣

甲寅改各站曰驛


乙卯遣犒北征將士

乙未置雷州衛廣西衛

鄧愈克洪山寨

辛酉湖廣保靖安撫司彭萬里來貢授宣撫使

癸亥詔曰天下之治天下之賢共成之向以疆宇彼此致賢
養民未之深講懷才抱德之士尚隱巖穴今天下甫定朕與
諸儒講明治道期古哲王有能以賢輔世以德濟民者尚不
吾棄



詔優給陣亡吏卒千百戶鎮撫人給粟二十石布二十匹軍
人千二百錢布二疋

甲子徐達遣常遇春傅友德等發北平取未下各郡縣

乙丑常遇春下保定

丁卯下中山

十月戊辰朔 上發北京還南

夏明昇遣使賀捷

己巳常遇春克真定平章孫克義道尋降真定路達魯花赤

銀納賜彰聞大都臨朝服登城西崖上北拜墜崖死

庚午馮宗異湯和下懷慶元平章白瑣住等遁獲卒八百人

壬申至太行山碗子城破其關

癸酉下澤州元平章賀宗哲張伯顏等遁遂留戍擴廓帖木

兒部將平章韓札兒毛義等來攻楊璟張斌援之戰于韓店

敗績

甲戌元左丞 自河中攻潼關都督僉事郭子興等禦之

指揮于光特稍突陣敗却因大破之


乙亥吏部尚書滕毅為江西行省叅政刑部侍郎盛原輔為

吏部尚書

國權

洪武

百五十七



丙子命中書省訪郡縣應祀神祇山川及帝王忠烈令有司
歲祭

丁丑上回南京

馮宗異湯和取潞州

戊辰詔平元于天下

已卯有誣富人謀反者臺臣以赦前宜戍刑部議抵罪上
問秦裕伯對曰元時罪止杖一百以開後告上曰奸徒不
抵罪誣且多矣自今告謀反不實者反坐罪著為令

庚寅諭宿衛武臣曰元君臣驕奢佚樂今如此朕日慎一日
卿等亦思曩在民間視元將帥輕肥酸赫何敢望之當常勿
忘貧賤時

甲申夜有大星自天市東垣流張宿


丙戌置信陽信州羅山縣

戊子徙北平城中兵民于開封

已丑陸仲亨為江西行省平章政事元河南行省都鎮撫李
敏為工部侍郎

置京畿都漕運司龔魯薛祥為漕運使 正四品

庚寅割懷慶衛輝彰德廣平順德大名河間真定保定屬河



南分省德安屬湖廣北平屬山東

辛卯大都督府都事汪河為吏部侍郎使擴廓帖木兒被拘

陝州六年今還

癸巳傅友德下平定州

甲午徵元太史院使張佑張沂司農卿兼太醫院使成隸同

知郭讓朱茂司天少監王可大石澤李義太監 恂太史院

監候劉孝忠靈臺郎張容回回司天太監黑的兒阿都刺司

天監丞迭里月實

賜元昭文館學士李庭訓冠帶衣服

司天監進元水晶宮刺漏有機 上曰作無益害有益命碎

之

乙未製大祀陪臣執事官法服

裁考功所

梁真王儀為太子賓客秦鏞虞德明張翼為太子諭德

丁酉改瓊州乾寧安撫使曰瓊州府崖州吉陽軍儋州南寧

軍萬安軍俱曰州南建州曰安定縣


立永州陳州衛

浚後湖及石炭山龍灣河道

國權

洪武

百七九



定正旦朔朝會宴賀諸儀

十一月己亥告于太廟曰自古有天下者祖皆配天臣尚未敢誠以功業猶未就政治或闕懼帝責焉帝若問祖祖告成所行事善惡帝鑒之

勅有司災異以實上

遣文原吉詹同魏觀吳輔趙壽分訪天下遺賢

庚子冬至祀員邱還詣告太廟御奉天殿百官行慶成禮明日宴群臣奉天殿

徐達發北平進取山西

辛丑 上宴東宮官僚置酒歡甚命諸臣作龍蟠鍾山賦自作時雪賦賜冠服初建大本堂儲書徵名儒保直


徐達次保定明日薛顯克七塽寨

甲辰封孔希學衍聖公授希大曲阜知縣立尼山洙泗二書

院復三氏徭役

置磁州武安縣

丙午遣中書省照磨蘭以權詔諭廣西左右兩江溪峒官民定郡縣祭社稷庶人祭里社土穀之神及祭先祀灶餘淫祀禁之



丁未中書省照磨孫安為兵部侍郎

徐達自保定會常遇春于真定柳亭使左丞趙庸收真定諸
未附山寨使薛顯傅友德略平定州

壬子懷柔密雲縣併入檀州

癸丑吏部尚書盛原輔調山東行省參政大都督府都事張
明善為吏部尚書刑部尚書周禎為御史臺治書侍御史

右丞薛顯追敗元詹同脫因帖木兒于石州

乙卯徐達使右丞薛顯參政傅友德以三千騎略平定州

庚申徐達次井陘元鳳山寨守將李景春降

壬戌都督同知康茂才克河中府

徐達渡故關至平定州與常遇春分兵追進取榆次縣

癸亥議耕籍

立中書召御史中丞劉基


甲子定帝后皇太子妃嬪百官命婦冠服之制

徐達獲太原二偵騎乃督右副將軍馮宗異嚴師進太原

丙寅諭中書省臣曰將士相從有戰死者天下已定父母妻

子可念也遇時節其預給薪米錢

郭正域曰天下無生而貴者也天子之元子猶士也大夫




無冠禮公侯冠禮始于夏之末造儀禮惟士冠禮漢以後
天子諸侯之禮大抵因士禮而損益之漢皇帝冠于廟魏
于正殿唐冠于太極殿有太子儀有王子儀有士庶通行
儀宋儀遂載太子加元服而上不及至尊下不及士民何
居漢天子猶四加緇布進賢而下與諸侯大夫共之也猶
司徒為省也一加自魏也四加至尊禮無踰也唐而下未
之能易也皇子之莫為主也曰主天子也自宋始也唐冠
太子于廟堂冠王子于廳事宋太子西向而王子南向則
猶明嫡子著代之義也 高皇為萬世子孫法創定其禮

太尉設纚太師致冕天子皇孫而王禮則相去遠矣辨名
定分不可易也有賓有贊有祝詞有醮詞有勅戒詞定于
成化時而下逮官民則國初之舊也唐人品官三加得用
五冕衮冕自品而降非大夫五十而爵之義今薦紳先生
冠其子不脩禮不下賓况齊民乎載在令甲鮮有能行之
者蓋禮之廢久矣

是月征戎將軍鄧愈封討蜀河莽張獲之金商均房俱定

置潁川衛

十二月丁卯朔汪廣洋劉惟敬為中書省叅政楊憲為御史中




唐為刑部尚書郭景祥阮崇禮安然為浙江江西山東丞錢
行省叅政

禮部尚書廣德錢用任致任許居湖州元進士翰林院編修

徐達克太原擴廓帖木兒宵遁初擴廓帖木兒出兵鴈門關
將自保安窺居庸達意太原必虛彼即搃北平孫興祖總六
衛之師足禦也遂輕騎抵太原果還軍來救鋒銳甚遇春計
步卒未至而輕與角危道也恒劫之必潰會元將豁鼻馬約
降請為間乃夜劫之擴廓帖木兒方難燭視書倉皇間蹠一
足乘驪馬以太八騎走大同獲甲卒四萬馬稱是遇春追之

忻州不及擴廓帖木兒又走甘肅

高岱曰燕京既定欲取山西當時若出居庸略宣大或出
紫荆皆可徑擣太原豈不尤為捷疾諸將乃舍二道而南
狗澤潞者非舍徑而就紆也蓋以北則真保河間未定西
則懷慶陝州未安真保不通則南北有道梗之患懷慶未
附則大梁無息肩之期此所以先澤潞而後宣大也又攘
夷之道當由內以及外先近而後遠故驅之不得不自南
而北也使擴廓帖木兒自大同北奔沙漠則患不集于陝
西矣不虞群醜西逸所以關中之師不可卒解也



已巳置登聞鼓于午門監察御史日一直

上指宮中隙地謂皇太子諸王曰此非不可亭館臺榭令

使內使種蔬而已漢文帝惜露臺之費爾輩念之

庚午徐達遣薛顯傅友德邀擊賀宗哲于石州

辛未監察御史高原侃言都人喪葬娛屍非禮上是之令

定官民喪服之制

壬申改宣徽院為光祿寺徐興祖為光祿寺少卿

改太史院曰司天監正三品又置回回司天監監令正四品

定三師朝賀東宮儀以勛舊異于庶俗也時議唐制群臣賀

東宮四拜答其二三公俱答今擬拜賀立受答其二

祭酉定皇太子親王及士庶婚禮

郭正域曰禮云婚禮下達則六禮之行無貴無賤儀禮無

君婚之儀僅載士禮孔子家禮冕而親迎夏迎于庭殷迎


于堂周迎于戶故曰明王必嚴妻子也周禮媒氏掌萬民

之判則里巷閨幃之事上之人且究心焉春秋書祭公紀

遣使之制漢太子以奉常往迎唐皇子以親王主婚六禮

之行皆稱寡人義不倫焉高皇帝官天地而府萬物

制為軌則自至以逮親王皆臨軒遣使五年詔曰古之尊



婚禮結兩姓之歡以重人倫近代以來專論聘財習染奢
侈令中書省議制頒行務崇節儉以厚風俗洋：聖謨禮
樂明脩然大婚之儀始行于世而東宮以下代有損益公
主下降駙馬相見之儀漸非洪武之舊矣

甲戌馮宗異自潞州西至椅氏擒元右丞賈成明日攻平陽
克之擒右丞李茂

夜有大星自九游流至氣中没

乙亥真定指揮李傑攻孔山寨敗没

丙子都督副使顧時獲元沂州逃將王信于崞州歸于徐達

所

戊寅徐達遣俞通海源往平陽督馮宗異兵會太原

己卯戶部侍郎杭琪為尚書

徐達遣常文顯馬良招諭忻崞山寨何文質招諭太和嶺山

寨

辛巳起復濟南知府藁城崔亮為禮部尚書

元浙江省掾史

壬午馮宗異克絳州擒元右丞田保：徐伯昌獲將士五百


餘人

癸未定中外官親屬官服之制

國權

洪武

百五



徐達遣指揮周房取榆次開通潞州叅政陸聚克半坡寨

甲申徐達遣指揮曹崇周賢王約討介休平遙山寇

丙戌改順州曰順義縣東安固安輝琪各曰縣檀州仍密雲

懷柔

丁亥諭祭戰沒功臣胡大海于雞鳴山文臣殉難叅軍李夢

庚郎中王愷都事孫爰等附焉

戊子吏部侍郎樊魯璞勅免

已丑頒社稷壇之制

庚寅立旗纛廟

益州復叛殺官吏徐達分戍昨城清源縣仍防石嶺關

辛卯宋冕為開封知府諭曰亂後多曠土其勸農桑課蚕絲

以求實政

壬辰進符寶郎僕斯詔諭高麗國王王顥


定優給將士例

遣諭夏主明昇書曰昔先公通使脩好遽爾長逝朕思之泣

下感念先德安得不為足下慮哉今人心思治審幾識變在

足下之自處為何如耳誠日近老成練達之士能籌善後之

計是實融錢做復見于今日也



是月置温州衛

己酉洪武二年

夏開熙四年

正月丙申朔

上御奉天殿受朝賀大宴群臣進退序班有禮

上悅命婦朝 皇后坤寧宮賜宴

封京都及天下城隍神應天開封臨濠太平和滁俱王爵一

品餘府俱威靈公二品州俱靈佑侯三品縣俱顯佑伯四品

丁酉徐達遣指揮張煥以萬人取孟州山寨指揮潘敬以三

千人略管州大王川指揮韓溫討亂柳寨俱克之

庚子 上御奉天殿問元臣馬翼以元之得失曰元有天下

寬得之亦寬失之 上曰未也寬則得民何失之有元季耽

于佚樂失在縱弛非寬也聖王之道寬而有制不以廢棄為

寬簡而有節不以慢易為簡


辛丑命有司祭祀典神祇

甲辰浙江行省叅政蔡哲入中書

國權

洪武

頁七



乙巳立功臣廟雞鳴山

徐達檄河南左丞何文輝從征

夜太陰犯井

丁未享太廟功臣廖永安俞通海張德勝桑世傑耿再成胡

大海趙德勝侑馬

戊申議驚蟄秋分祀太歲風雲雷雨清明霜降祀岳鎮海瀆

及天下山川城隍諸神

定翰林官制侍讀學士朱升為翰林學士 從三品 陳樞詹同

為直學士 五品承旨正三品侍講學士
正四品侍讀學士從四品

置河間長蘆轉運司廣東海北鹽課提舉司

庚戌遣都督孫遇仙等祭天下岳鎮海瀆遣前國子監祭酒

孔克堅祀孔子于闕里

詔曰朕本准右布衣因天下亂率眾渡江十有四年荷天眷


佑西取荆楚東平三吳遂至八番直抵交廣以極于海重念

華夏入據胡人是用命將北征兵渡大河齊魯之民懼然來

迎饋餉給軍不辭千里朕思元末民疲供給茲既效順何忍

復勞山東洪武元年稅糧已行免徵不期天旱再免今年夏

秋二稅近平燕都下晉冀其民久被兵困徵斂尤甚可免北



平燕南河東山西今年稅糧一年河南諸郡久欲惠之柰晉
冀未平則出師所經今兩抵潼關北界大河南至唐鄧光息
今年稅糧盡行免徵以遂朕意秦隴新附之民亦如一體
詔曰朕惟淮右渡江駐兵太平開基建業繼克鎮江下宣城
賴天之靈西征北伐罔不平定朕念創業之初取辦四郡供
億繁重未嘗忘之今天下已十定其九太平應天鎮江等處
已免糧稅一年其寧國廣德滁州和州等處亦悉如之

詔曰朕肇丕基鎮江太平宣城廣德為京師翼郡供億浩繁
足我興師飽旅六合一家我子孫百世何忘江左民舊歲曾
免糧稅忽遇天旱免無可收縱使不免亦無可徵惠而不及
朕心缺焉已行寧國免今夏秋二稅應天太平鎮江及廣德
滁和無為亦免之

祭丑更定太廟時享清明端午七月望冬至
祀馬祖後湖

甲寅常遇春征大同


乙卯遣使詔諭日本占城爪哇西洋諸國

熒惑犯常宿

丙辰傅友德屯湖州

國權 洪武

百九



已未故元翰林學士承旨危素學士張以寧王時編脩雷煥
刑部侍郎程徐太常博士孫吾與胡益禮部員外郎曾堅主
事黃肅等入朝賜冠服尋拜危素王時為翰林侍講學士以
寧侍讀學士堅禮部員外郎徐刑部侍郎肅禮部主事初素
大都破欲死之有寺僧止之曰學士而死是無史也遂出

姜南曰忠義者人臣之大閑也吾盡吾之節而已違恤其
他史書者天下之公論也一人不記天下必有記之者何
必以此藉口而為偷生之階乎

庚申勅諭太原諸將曰大軍所至敵人所至如摧枯拉朽上

天眷佑可不敬乎惟諸將功爾功天授爾生天也孟子曰五
百年必有王者興其間必有名世者古人功高如常功如
無若家賞功常乃常高乃高也近者大夫湯和定浙左平


閩中平章楊璟靖湖湘定廣西班師還朝以大滅將軍滅胡

未還未及賞今再使湯和楊璟從大將軍征進太原之捷互
為犒掇不亦奇乎偏將軍璟其居偏將軍和下偏將軍和其

居右副將軍宗異下宗異其居將軍遇春下協剪餘馬

常遇春至大同元將竹貞遁入之元大同行省平章政事孫

德謙睢州人官兵至德謙嬰城固守知力不能支手書自決



作詩數章城陷不屈死之手書今猶有傳者

辛酉置全州守禦千戶所

壬戌改慶遠府曰慶遠南丹軍民安撫司前安撫使莫天護為安撫司同知

癸亥叅政陸聚守井陘固關

改中山府曰定州屬真定


甲子裁隨縣其安東婺源吉水泰和永新安福州皆改為縣
乙丑平章韓政克蟻尖寨在林縣西北四十里倚陽山突兀高聳東有路可通人行先是劉福通攻臨林州達魯花赤

神保死之州民吳庸王居義等聚眾團結其上洪武二年徐達分兵攻諸山寨惟蟻尖寨險絕不可下命指揮薛顯往時順德守將韓政列營進攻吳庸度勢難支乃殺居義等以降得兵萬一千六百人民三千五百二十人悉放免復業設林縣守禦所

湖廣饑賑粟三千五百七十餘石

是月倭掠山東海上

二月丙寅朔脩元史時得元十三朝實錄命左丞相李善長前起居注宋濂漳州通判王禕總裁徵士汪克寬胡翰朱禧陶



凱陳基趙壘曾魯高起趙方張文海徐尊生黃麓傅怒王錡
傳徵謝著纂脩開局天界寺
遣阿思蘭楊完者不花鄧邦富牛成陳節詔諭雲南日本等
國

丁卯遣官釋奠太學

設遷曰寧波府志洪武二年令孔子釋奠止于曲阜罷京
師及天下通祀刑部尚書象山錢唐吏部侍郎鄞縣程徐
上疏力諫令遂止按高皇帝最尚儒術安有罷祀之理
故特記之

戊辰沅州土官萬戶李德璵為高丹洞軍民長官司何夢章
為鎮遠溪峒金容金蓮等處軍民長官司

己巳占城國王阿答阿者貢虎象方物

徐達使張興祖守大同

辛未命吳用顏宗魯楊載使占城瓜哇等國

壬申常遇春還師太原

乙亥立皇陵碑


丁丑上仁祖淳皇帝陵曰英陵遣太常寺卿致祭

定侍衛舍人及校尉官服

國權

洪武

百全



夜大風

戊寅徐達常遇春馮宗異發太原次徐溝

庚辰元丞相也速以萬騎侵通州屯北河守將平章曹良臣
僅千人乃沿河列幟十餘里鈺鼓相聞也速駭遁追之不及
河南府同知廣濟徐麟為知府時降人謀叛約漏二十刺舉
事麟聞之緩漏昧爽捕誅之

遣官祭馬祖先牧馬社

壬午 上享先享先農配后稷祀畢耕南郊籍田

甲申南北郊增天下神祇壇定大祀省牲

徐達自霍州至平陽會右丞薛顯規取陝西


丙戌裁郡幕照磨檢校

庚寅語廷臣曰累黍可以成寸積善可以成德故小善可以
成至善小惡必至成大惡又曰積善如積土久而不已則可
以成山積惡如防川微而不塞必至于滔天

辛卯徐達自平陽次河中遣指揮張良造浮梁選士馬從常

遇春馮宗異渡河趨陝西

壬辰翰林直學士詹同為侍讀學士秦裕伯為待制袁漢睢
稼為應奉初大名秦裕伯仕元福建行省郎中避亂上海不



就張士誠 上兩徵之稱疾手書迫之入朝

併泌陽縣入唐州穰縣入鄧州置涉縣真定

改建昌衛為守禦千戶所立驍騎前衛萊州衛

夜有大星自騎宮流游氣中沒

甲午諭群臣曰元不重名爵官及私昵吏不恤民惟酒色財
貨朕在民間心疾之今考官事之治惟重貪吏之禁何以故
天祿不可虛也夫廉公當官猶行坦途苟貪賄罹法如入荆
林中即出無完膚體

省新州為新興縣

三月乙未朔徐達自蒲州渡河蒲城寨守將俱遁去鄜城降

丙申仍旱災 上減膳省咎告 皇考皇妣曰免為民牧惟

恐弗勝伏見去年四方旱災今春風雨不調凶稔未卜惟微

時荒艱 皇考妣茹草雜炊今何敢忘向日蔬糲與妻妾共


食先答天譴敢告知之

諭京衛將士曰暇當練武不可宴安者危機又曰成功非

易保祿尤難國家用人正如用車苟有齟齬便移載矣

丁酉遣中書叅政蔡哲祀三皇侑以句芒祝融力牧風后

上禱風雲雷雨嶽鎮海瀆諸神



戊戌諭指揮同知袁義曰爾麾下多山東健兒宜加恩威昔
平章俞通海戰鄱湖敵巨艦壓其舟部卒奮死力首抵艦鈇
兇年盡脫得免豈非御士之效歟

定大祀齋戒七日中祀五日

己亥徐達次櫟陽遂趨鹿臺

庚子改福清州曰縣

立廣州百戶所

翰林學士朱升致仕

諭諸將曰朕昔下金華有館卒能言元時點兵事使者問其
主將曰兵有乎皆安在將舉佩囊片紙指名曰在此矣及天
下亂以農夫市人戰汝等娛樂不練士有急安使

徐達入奉元路元將張思道先遁父老子弟迎降改為西安
府初師至鹿臺元平章哈麻圖走塾屋縣民兵殺之平章至


某西臺治書侍御史王武遁復降斬之西臺御史桑哥失里
守閩家洞我攻之勢感同妻子投崖死左丞拜叅古走終南
山郎中王可仰藥死檢校阿失不花三原縣尹朱春同妻
氏投崖死陝西既附民饑命賜米一石

壬寅叅政陸聚克承天寨

國權

洪武

頁九



夜太陰犯鬼宿

癸卯常遇春馮宗異等發西安進取鳳翔

丙申元平章李思齊棄鳳翔率部衆十餘萬人走臨洮常遇春入之

戊申諭翰林侍讀學士詹同曰文取達理明世務如典謨無一語怪僻諸葛孔明出師表誠意溢出何嘗雕刻詞深意淺即過相如楊雄何益

辛亥徐達使都督耿炳文守西安遂發兵趨鳳翔遣楊璟還師征唐州之降復叛者

癸丑置北平廣西行省盛原輔劉惟敬為北平廣西叅政

改韶州府英德州曰縣

甲寅御史臺經歷劉希魯為刑部尚書

傅友德克鳳州

戊午增國子學舍

是月置密雲衛

四月乙丑朔遣內臣金麗淵送高麗流人還國賜國王王顓紗


羅綢緞各六疋

丙寅徐達議進師諸將謂張思道才不如李思齊慶陽易于

國權

洪武

百九十五



臨洮達曰否々思道誠降兵悍未易拔也臨洮塹河通番資
其雄饒彼窮々不西走胡則速束手降矣遂趨入隴州
上聞元人窺北平副命將軍常遇春率師星赴北平
戊辰置陝西山西二行省汪廣洋楊憲為陝西山西叅政改
河南分省為行省

己巳命博士孔克仁等授諸子經令功臣各子弟入學

庚午徵故元回回司天臺官鄭阿里等十有一人至京師

徐達至秦州追元將呂德獲之

辛未元海北道廉訪司僉事李文煥致仕賜歸淮安

壬申徐達檄都督耿炳文指揮金興旺各轉餉五千石赴鞏

昌

甲戌徐達次伏羌取寧遠城

改嵩州濬州林州威州隸河南無錫州俱曰縣罷梅州連州


循州碣州武安隸彰德涉縣隸磁州

乙亥編祖錄定封建諸王之制

工部尚書單安仁為兵部尚書孫克義為工部尚書

翰林待制秦裕伯知隴州

貽元主書曰曩者君之祖宗起自北方奄有中土及君嗣位



中外猶安一旦多故天下鼎沸朕本准右布衣仗義興兵君亦知天命遜于沙漠朕非不能窮追以君知時通變于心不忍近聞兵擾邊郵抑君失策而然耶若果不自省恐非君之福也又諭元臣納哈出書曰將軍昔自江左辭還不通問十五年矣近聞戍守遼陽士馬強盛茲因遣內臣至將軍營即令其還書不多及

徐達兵至鞏昌元平章梁子中侍郎陳子林等降總帥汪靈直保平章商嵩左丞周添祥達魯花赤張虎都帖木兒萬戶董健雷清石榮等亦繼至以都督僉事郭子興守之遣右副

將軍馮宗異趨臨洮都督副使顧時叅政戴德趨蘭州

丙子免秦隴等州田租


丁丑馮宗異至臨洮李思齊降養子趙琦亦繼至琦一名脫

顧時克蘭州

己卯左丞薛顯克馬鞍山西寨

癸未徐達次會州或欲括牛羊助食達曰西北人資畜牧括之非弔伐意也不許

甲申 上以臨洮下遣諭徐達曰張思道兄弟多詐即來降勿墮其計



立臨洮衛遣官兵前往防禦要隘

乙酉徐達至靖寧州元伯院杜伯卜哈遁略隆德縣明日度六盤山至開城遣薛顯襲元豫王王遁盡得其輜重于西安州糧馬所獲甚衆

戊子太倉衛指揮僉事翁德為指揮副使時倭掠崇明德出海獲倭九十二人仍遣祭海神

癸巳淮安寧國鎮江揚州澤州各獻瑞麥群臣皆稱賀不許五月甲午朔日有食之


薛顯至鳴沙獲王保、部將毛祥知縣尹鐸李遵正郭英左丞董信任弘等并馬六十餘匹大將軍至紅城還

更英陵曰皇陵立皇陵衛

遣陝西行省員外郎許允德詔諭吐蕃

丁酉徐達出蕭關遂下平涼分遣指揮儲杻狗隆德靜寧會指揮吳沂陳壽之師平諸屯寨秦政麻毅段答刺狗華亭咸歸附

辛丑張思道之弟良臣以慶陽降思道先走寧夏令良臣同平章姚暉等守慶陽而思道執于擴廓帖木兒徐達命御史大夫湯和趨涇州指揮張瓊遁



作玉璽一曰奉天執中

壬寅都督僉事陳德里店買的哥即保寨

癸卯徐達發平涼明日至涇州

乙巳 上幸鍾山見農勞由獨龍岡步至淳化門始騎歸諭

侍臣曰農為國本彼辛苦是若獨不念之乎古人謂衣帛當

思織女之勤食粟當思耕夫之苦誠惻然于心也

丙午給北平山西陝西戍卒戰襖十一萬

戊申張良臣復據慶陽叛我右丞薛顯將五千騎步卒六千

入慶陽良臣夜襲我執指揮張煥顯創走徐達聞之嘆上

明見萬里外

癸丑置福建行省中書省叅政蔡哲為叅政諭曰君子先辨

義利義者保身之本利者敗名之源福建繁庶多番船鄉其

昏之


甲寅圍慶陽

辛酉命時物先薦廟始供御

御史中丞章溢卒溢字三益龍泉人自幼穎悟好學從子存

仁中寇計脫之集鄉兵悍其土累有功不拜官已隱于佳山

尋被薦入金陵擢營田司僉事改浙東尋守處州府移湖廣




按察使僉事胡深沒遷浙東按察使副使代領深衆溢不受
仍官僉事誅首叛殲餘寇召鄉兵三萬送京師 上甚嘉之
及即位叙功拜中丞兼太子贊善大夫務持大體曰憲臺儀
表百司當養人廉耻豈惟恃鷹擊毛鷲哉母喪負土管兆毀
甚卒 上自作祝文祭之年五十有六

袁表曰孔子曰有文事者必有武備章公一儒者提戈躍
馬掃清妖氛牧民馭衆之才兼資文武綽乎有寇恂之風
迨其立臺端振肅綱紀表儀百僚務存大體正直忠厚章
公有焉

黃金曰溢天性篤于孝友撫世酬物一本于誠凡綱常大
端有闕世教者恒舉以語人每臨大事議論不避權勢必
折衷于理平生嘉言善行不可勝紀當元季群盜四起摩
牙吮血桑梓為墟溢設笑而殄滅之無遺育于是聲光流
顯上結萬乘之知嗚呼可謂道德之儒學文武之全才者
歟

綏州葭州降于徐達

月是封外祖陳公揚王外舅馬公徐王祠太廟東陳公家揚
州宋末從張世傑軍中失舟感神助還里二女適李 次即



淳皇后公壽九十九

六月甲子賜國子生夏衣

立平陽衛

徐達招降寧州

丙寅功臣廟成徐達常遇春李文忠鄧愈湯和沐英位南向
胡大海馮國用趙德勝耿再成華高丁德興俞通海張德勝
吳良吳禎曹良臣康茂才吳復茅成孫興祖位左右向凡二
十一人塑像生者虛其次
設遷曰沐英當時雖備戎行功未甚著其廟次第六何也

抑上神識逆覩其後耶

丁卯思州土官田仁厚子弘正入貢俟釋服嗣秩

戊辰徐達以鳳翔守禦指揮余思明守平涼


庚午先是蘭山崩軍士多壓死命馳祭仍厚卹其家

諭國子生習射

上讀叔孫通傳以魯兩生不肯行迂之禮曰時制宜孔子云
暮月三年必世亦時也庸待百年哉

甲戌徐達自涇州趨慶陽

己卯常遇春等克開平初遇春自鳳翔趨北平征迤北餘寇



平章李文忠輔之率萬騎步卒八萬敗元將江文清于錦州
次全寧敗元丞相也速兵克大興州擒丞相脫火赤至開平
元主復遁追北數百里俘斬其宗王慶生平章昂住等得吏
卒萬人車萬輛馬三千牛五萬薊北悉平
壬子安南國王陳日烿入貢命翰林侍讀學士張以寧典簿
牛諒往封日烿安南國王十一月及境日烿先五月卒從子
日烿嗣求誥印不予乃遣杜舜欽等請命以寧留俟安南
癸未裁中書省照磨檢校所斷事官
丁亥太廟金器成

諭禮官曰通用古籩豆宋太祖曰吾先人亦不識此孔子曰
事死如事生事亡如事存其言良可法今廟器俱時製象其
平生焉

戊子宋濂為翰林學士王禕待制


故元左丞陳鸞等攻鳳州指揮張龍等擊斬

庚寅慶陽大雨雹水溢

壬戌故海寧衛指揮同知嚴德追封天水郡公

熒惑犯東咸星

七月癸巳朔禮部侍郎世家寶為刑部尚書



甲子徐達遣降將李茂以千騎復捕隆德以西之未歸附者
乙未遣儒士歐陽佑等十二人採北方故元元統至正事入
元史


丙申成太廟各 帝后紗服

已亥征 副將軍中書平章鄂國公常遇春卒于柳河川報
至命平章李文忠領其衆 上悲慟罷朝曰使我如失手足
遇春懷遠人有絕力乘鷲果毅善撫士卒摧鋒殿後未嘗敗
北年長于大將軍奉令進止毋敢失性稍好淫殺而元功自
徐達外無與匹矣年四十

袁表曰國之興也必有虎臣詩曰維時鷹揚變伐大商

明興諸將以功名顯稱者多矣而問平生獨以驍勇著聞
彭蠡之役血戰者累旬僵屍蔽湖、水為之不流鉅鹿昆
陽之戰弗若是慘也彼章邯尋邑之徒豈項羽世祖敵乎
友諒雖粗暴寡謀然地廣兵強勢居上游僭竊帝號空國
而戰可不謂勍敵乎而開平王獨賈勇死戰方其走張定
邊脫 高皇帝嘗曰當百萬之衆勇
敢先登摧鋒陷陣所向披靡莫如副將軍遇春信矣哉

王世貞曰 高帝以神武定天下其臣皆莫及然至于中



山開平二王則心儀焉開平之甫定大業而不與其榮宜
帝之悲思之也世設開平之勇而誠意之謀皆怪而陋夫
嗚呼跳盪百夫勇耳彼豈知有所謂大將者大封鄂而謚
忠武唐之尉遲氏宋之岳氏得開平而三大將之才岳氏
則吾開平伯仲哉

何喬遠曰大將軍謀勇兼資雖勞不伐夙夜匪懈以功名
終所以處草昧君臣間微也天下甫平副將軍不及論功
與共享之跡其當時皆一心歸誠皦然而無間非徒用勇
力冠軍人以 太祖之興比漢高帝然曹平陽未必盡平


天下韓淮陰善戰而不善居之未有如兩將軍者也

設遷曰以開平之鋒銳半天下而靡之與中山共功十九
其偏麾獨往于薊北最尤著也中道天折雲臺追歎雖然
日後功臣往々誅廢令開平而在其氣亢且出藍玉之能
無鐘室之憂乎今溯元臣輒曰徐常則天又且兩全之矣
丙午夜有大星自羽林軍流雲中

丁未廣西左右江各土官來貢命岑伯顏知田州府岑漢忠
知來安府黃世鉞知向武州黃英行知太平府黃忽都知思

明府趙帖堅知龍州

國權 洪武



中書省議徙廣西諸溪峒人于內地杜邊患不許

西番達、寇臨洮會指揮楊廣擊走之

戊申李茂獲杜伯卜哈及將張演達、大都虎以歸

己酉置麻寮千戶所于慈利

辛亥擴廓帖木兒部將韓札兒陷原州殺指揮陳壽都督馮

宗異移兵馱馬関指揮葉谷真守彭原常正守邠州是夜札

兒陷涇州

癸丑監察御史謝恕巡按松江以漏賦逮百九十餘人至京
師多失實 上自訊得之下恕吏

丙辰夏明昇來貢蜀人聞我平関隴大懼丞相戴壽討結好
治備明昇從之

辛酉馮宗異自驛馬関擊韓札兒走之窮追不及復涇原

八月癸亥朔常遇春喪至龍江 上臨祭文曰元季大亂生民


危墊未知所底朕奮起臨濠屯師和陽乙未之春爾來依我

同渡大江先拔采石旋平太建江東之地次第順軌馬汗益

馳橐弓未橐南破三衢西圍金斗戰漢鄱陽九江間射殞友

諒攻降武昌以平湖湘南克贛撫雄安北定襄陽旋旂淮東

奄泰及徐收浙舉吳執其王歸長淮東西大江南北爾功懋



馬丁未之冬副爾大將北征中原首下齊魯既攬河洛隨戢
幽趙遂包晉冀轉清秦隴與偏將軍稜威首天轉戰永大以
底開平朕全有中國上軼古初爾功懋焉天下克一方有膚
酬河圖未諧遽爾畢命哀痛切心與誰言哉祭畢痛哭命葬
鍾山陰立祠


甲子元總制賀宗哲攻鳳翔

高麗國王王顥表賀即位且求封

丙寅元兵攻大同平章李文忠方赴慶陽至太原聞大同警
以闔外事有利專之遂由岱出鴈門次馬邑擒元平章劉帖

木兒至白楊門擒其四大王且近敵壘雨雪身引數騎察無
有伏召諸軍阻水而屯夜黑雲壓營意賊劫我伏白楊門果
脫列伯空壁至我二萬騎誘之皆殊死戰自寅至辰稍疲分
左右翼身先驅奮戰大破之擒脫列伯文忠手解縛客待之
進克東勝州元人斬孔興來降我至莽哥倉而還初元主走
蓋里泊謀恢復至是大失所望

已巳定內侍諸司制諭吏部曰周禮閹寺未及百人後世踰
數千卒為患夫求善良于此輩千百無一二朕令脩使令耳
雖未能如古亦當防其微定內使監奉御六十人尚寶一尚



冠七人尚衣十人尚佩九人尚履八人尚樂七人紀事二人
執膳四人司晡二人司香四人太廟司香四人涓潔二人置
尚酒尚麪尚醋尚染四局御馬御用二司內庫倉及東宮典
璽典翰典膳典服典樂典乘六局又置門官

癸酉元史成左丞相宣國公李善良表上之其元統以後俟
續賜纂脩汪克寬等金帛文綺總裁官宋濂等倍之史自開
局至削藁才七月逾期多忌諱故表曰往牒舛訛之日甚他
書叅攷之無憑雖竭忠勤難逃疎漏


設遷曰元史記傳俱平叙不置論贊異于往代宋文憲在

元拜翰林國子脩修危太僕自負一代史寧負國入江南
又元事百餘年未宜蕩佚而當時鉛槧輒不滿人意何也
聞史館有老兵能憶舊事太樸嘗咬以果餌得語則書之
文獻失守不獨島夷索_上之嫌也

甲戌遣都督僉事吳禎諭徐達如克慶陽令馮宗異統兵同
耿炳文守陝西康茂才鎮山西爾同湯和回兵京會葬鄂國
公常遇春 庚辰天鳴

乙亥倭寇淮安鎮撫吳祐等擊敗之

丙子遣符寶郎僕斯往封高麗國王王顥賜金印幣帛



辛巳定大祀齋戒七日

賀宗哲右丞葛彬降于徐達

壬午給事中安統為兵部尚書

癸未克慶陽平章姚暉等開門降張良臣投井斬之誅餘黨二百餘人

元總制賀宗哲攻鳳翔不克而遁指揮金興旺知府周煥力守間出擊敗之至是聞慶陽下引去


韓原周添祥商嵩為福建廣東廣西行省叅政梁子忠為尚寶司卿陳子琳為刑部侍郎

甲申 上慮郊祀或風雨禮部尚書崔亮攷宋祥符九年議大祀值雨雪就太尉廳望祭元經世大典社稷垣內建七楹曰望祀臺今南北郊皆殿九楹社稷壇殿七楹備風雨從之又日月望祀臺靈星城南

丁亥禮部定祭器皆用磁倣古簠簋豆登惟籩以竹

戊子監察御史睢稼請有司月朔會鄉人讀律如古人月吉讀法 上曰感人以法不若感人以心敦信義而勵廉耻此化民之本也

江西行省平章陸仲亨署大都督府事



置海南衛

己丑大將軍歸至原州聞賀宗哲自六盤山北遁遣都督顧時降顯傳友德以萬騎追之

庚寅定五祀門戶中窳灶井

諭元將擴廓帖木兒書曰爾守孤城保其餘衆遠處沙漠朕甚忿之是用特與瀚滌示茲至懷

置燕山前後二衛改驍騎衛曰龍虎

臨川守禦千戶胡朝宗受賂法宜死其親老泣訴于三山門省之

是月脩禮書儒士徐一夔梁寅劉子周子諒胡行簡劉宗

弼董彛蔡深滕公琰

召河間長蘆都轉運使周湏


九月壬辰朔徐達復至平涼左丞何文輝自宜祿至分兵戍守
癸巳夜有大星自外屏流天倉

甲午賀宗哲侵蘭州徐達復遣馮宗異以萬七千人赴之宗哲先遁歸王保乃還

乙未元宣差老闕堅篤以莊浪州降大將軍即版授知州

丁未 皇子 梓生

國權 洪武



元降將汪靈真保張虎都帖木兒同族屬入朝

庚子作御寶六白玉三青玉三文曰天子行寶天子信寶天子之寶皇帝行寶皇帝信寶皇帝之寶

辛丑大將軍徐達御史大夫湯和發平涼入朝右副將軍馮宗異總制軍事

戊戌太陰犯南斗

此節應在庚子作御寶之上

山西叅政楊憲為中書省右丞侍御史王居仁為兵部尚書
癸卯禮部定獻瑞之節 上曰災異尤重其令有司無大小
即飛奏

詔臨濠為中都 上問都建于諸老臣或言閩洛或言汴或
言北平即元宮尤便 上曰長安汴雒雖古帝更都民之初
定未可重勞元宮雖完難仍其舊建業江南形勝真足立國
臨濠前江後淮據險通漕朕欲為中都焉群臣皆曰善遂割

泗壽隸中書省


定文武官見辭謝恩禮

詔有司三年吏部考課

乙巳定司中司命司民司祿壽星曰中祀

改歷陽縣仍為和州

國權 洪武



丙午占城國王阿答阿者入貢

壬子定番王朝貢禮

癸丑考樂制徵聲律之士以正五聲十二律

甲寅作鉄券得台州錢允一所藏唐昭宗賜錢鏐者倣之狀如瓦公二等侯三等伯二等

乙卯吐蕃寇臨洮指揮帝正禦之河水冰不可渡正祝天俄

冰如巨屋流下風隨之合冰即擣其營番人懼甚請降


丁巳元平章政事歐陽朝佐等三百六十人入朝賜冠服

戊午征南將軍廖永忠參政朱亮祖等還自廣西命太子

勞于龍潭入朝仍太子送永忠歸第

是月皇子祀生


十月壬戌朔高麗國王王顓遣使上表謝封并賀天壽節使臣成惟德辭歸賜高麗國王王顓書曰使來朕問國俗言無城有甲兵不嚴有居室無聽政之所王好釋氏民擾于倭去海濱五十里或三十里始定居朕雖德薄王已稱臣入貢合古諸侯夫治亂持危王者所以保諸侯之世也古者王公設險守國王無城郭人民何依國無治不可去兵王侍衛不嚴其何震之有無聽政所何以示重民五十里或三十里始定居



則瀕海不耕何以不艱食君無夷夏惟脩仁義禮樂則民化
祚長王好釋氏何能求福國之大事在乎戎與祀犧牲不育
何以供山川城隍之際今胡運既終沙漠靡統朕兵未兵遠
藩或有暴患况倭久擾王欲禦之非有雄將猛兵不可遠戰
王欲守之非深溝高壘內儲外援不能為備國患未然轉危
為安朕言甚悉王其熟思而切圖之

遣湖廣行省平章楊璟使于夏招諭明昇既至昇惑群議未
決璟還貽書曰古者同力度德同德度義無可度焉則為順
圖故能兩全身家流譽亡窮足下幼襲先業不咨至計徒取

裁左右謂瞿唐劍閣一夫負戈萬卒誰何此皆不達時變相
謬悞何則蜀之最霸莫如劉備諸葛孔明佐之兵食不足取
之南蠻然僅能自保足下疆場南不過播州北不過興元
以陝絕一隅之地延須臾之命可謂智乎 皇帝威武神聖
有順必賞無負不夷特念足下先人故不忍加師又意足下
幼冲未嘗恐惑于左右者之說故使璟面諭禍福深仁至恩
可不知乎夫漢友諒吳士誠皆以英傑之姿割吳割楚造舟
塞江河積糧比山岳自謂強將勁兵然鄱陽一戰友諒授首
平江再困張氏面縛友諒子理竄歸江夏窮迫出降然 皇



帝卒於而赦之封以侯爵今足下無論二君且亦自賤何如
理耳宜幡然獨斷自求多福不然王師一至所為足下謀者
各自為計足下奉老母安歸乎足下即冲幼不嘗當亦痛已
老母逆順之圖度之而已昇不聽
方谷珍李思齊為廣西江西行省左丞並居京師食祿
叅軍周彧為山西行省叅政
甲子錄廖永忠所部征南將校功既入謝 上曰論功行賞
常典也第府庫之積皆出于民間君特主以待有功毫不敢
妄與也

己巳山西叅政陳亮為中書省左丞叅政知吏戶禮三部


庚午勅葬開平忠武王常遇春鍾山之陰給明器九十事納
墓中贈翊運推誠宣德靖遠功臣開封儀同三司上柱國太
保中書右丞相追封開平王謚忠武併三代俱爵謚
甲戌甘露降鍾山群臣稱賀請告廟不許

庚辰圖徐達常遇春戰績于功臣廟

賞平章韓政部曲功賜金帛

辛巳命郡縣立學校

癸未命潭州衛指揮同知邱廣為總兵官寶慶衛指揮僉事



胡海廣西衛指揮僉事左君弼副之左江上思州蠻黃龍
關等以龍關糾衆萬餘寇鬱林州也

乙酉置延安衛

翰林應奉睢稼為中書省叅政吏部侍郎汪河為御史臺侍
御史


辛卯詔郡縣立儒學設教授學正教諭訓導有差廩給諸生
是月遺元主書曰朕本布衣昔在田里賴承平之樂後因擾
攘為衆推戴乘時渡江西平湖湘漢沔南取交廣東定吳越
八閩西江皆入版圖前歲出師由齊魯河雒次及燕城君棄

宗社而去自知胡無百年之運能順天道歸我中國故上策
也方今華夏已平外夷咸附朕發鉄騎四出塞外精兵百萬
連陣二千餘里直抵陰山之北即君逃遁亦出僥倖春和日
煖沙漠青草漢兵出塞之時也霜雪衣寒則歸而守險君雖
百為衆何能為哉改圖易慮以存宗祀不亦善乎

十一月壬辰征大將軍中書右丞相信國公徐達入朝

甲午工部尚書孫克義為河南行省叅政兵部尚書周彧為
山西行省叅政

乙未工部侍郎張允為尚書左司郎中劉誠為兵部尚書



丙申大都督府僉事趙耀為湖廣行省叅政工部員外郎張
本為浙江行省叅政耀給事大將軍幕府累績至是加官未
遣

丁酉中書省欲作後堂以病民不許


甲辰馮宗異等俱發平湖涼入朝王保、乘師遠縱游騎掠
平涼鞏昌北鄙人畜大為邊患

乙巳冬至祀員邱始奉 仁祖淳皇帝配還御奉天殿百官
行慶成禮

丁未遣元平章長壽等諭元丞相也速書曰將軍元之故家
宣力王室積有年矣比者天下多故諸將類跋扈元主遠去
沙漠將軍獨孤軍殿後義氣不衰其餘僥倖之徒俱雲逝鳥
散嗟哉將軍之節朕甚嘉焉近聞塞外猶逞蠱毒擾我邊陲
豈將軍不能輯士與我軍集于幽薊待釁而動將軍宜深思
之

戊申夜月入太微垣

己酉廣東行省叅政周浚仍為刑部尚書諭曰刑以輔治唐
虞不免舜命臯陶始雖曰明刑終期無刑臯陶亦曰與其殺
不辜寧失不經當時恤刑如此卿其體之



刑部尚書世家寶坐事降廬陵知縣

戊午戶部員外郎張仁榮為侍郎

置驍騎中後二衛

庚申朱昭為戶部尚書楊思義王克恭為陝西福建行省參政

辛酉侯原善為中書省參政樊思民為戶部尚書尋改大都

督府參議

張應天蘇松杭湖貧民八百四十六人米一石布一匹

真州王昭明等坐不軌伏罪 上召訊釋其母子餘黨

十二月壬戌遣翰林編脩羅復仁兵部主事張福詔諭安南占

城國王時占城訴安南侵擾詔至俱罷兵

戶部尚書朱昭怠職謫蘇州知府

甲子日中黑


丙寅諭禮官凡百官奏對及班列失禮者即舉劾

丁卯湖廣行省參政趙耀改北平

戊辰平章楊璟還朝言明昇闇弱不若即兵之 上曰兵貴

有名或後悞來歸可無勞也

元俘脫列伯等至宥之賜冠服



壬申虎賁左衛指揮同知丁德率兵討饒州文山盜寇
甲戌遣中書省管勾甘桓會同館副使路景賢封占城國王
阿答阿者

乙亥安慶為浙江行省叅政

己卯長州永順宣撫司彭添保入貢置永順軍民安撫司
辛巳征下右副將軍都督同知馮宗異不俟命班師還京責
而宥之

壬午歸高麗國王王顥從女以亂失 上購得之


以安南高麗山川附祀典

甲子總兵官潭州衛指揮同知邱廣等斬上思州蠻黃英傑
陝西饑命正月戶賑米一石二月倍之

呂宗俊為監察御史


戊子詔驚蟄後祭旗纛

己丑大賞功 上曰大將軍徐達定中原克敵制勝撫綏軍
民賞五百金幣五十雙開平王常遇春雖薨與大將軍功將
賞如之右副將軍都督同知馮宗異澤州之役與平章楊璟
妄分彼此以損士及代大將軍總制檀班師不在賞念其初
勞量給三百金幣十五雙御史大夫湯和南征雖破方谷珍



實浙江叅政朱亮祖先摧敗之及在閩不肅八閩復叛班師之日蘭秀山賊乘之失陷指揮徐瑋張俊等姑賚二百五十金幣如宗異平章廖永忠平閩粵功可全也在閩時不協湯和致餘寇賚金視如湯幣二十都督僉事吳禎功于閩而能治軍平章曹良臣等從戰中原有功金幣視如永忠左丞趙庸右丞薛顯叅政傅友德賜二百金幣十九平章韓政賜二百五十金幣十七平章俞通源右丞梅思祖叅政陸聚都督副使顧時賜百五十金幣十五叅政陸仲亨幣二右丞王溥幣七其成將平章楊璟胡美賞二百五十金幣二十雙左丞

周德興都督同知張興祖康茂才金如之幣十七叅政朱亮祖張斌戴德賞二百金幣十五都督副使孫興祖百金幣十七都督僉事郭子興陳德二百金幣十五都督僉事華雲龍百金幣十諸衛指揮幣七七戶衛鎮撫幣六百戶所鎮撫幣五營卒粟三石金三之其津遣傷沒諸吏卒賞各有等差庚寅元擴廓帖木兒兵襲蘭州指揮張溫乘暮擊卻之遲明知成兵寡圍城數重閉關不戰鷹揚衛指揮都昌于光時溫守鞏昌來援戰敗馬蘭灘被執至蘭城下使呼降光大呼令堅守敵怒殺之進攻不利引去方其圍蘭也元兵夜登城千



戶朱佑醉不知其下乃擊卻之圖解張溫欲誅佑知事朱友
聞爭曰當賊犯時將軍斬佑以狗所謂以軍法從事今既退
恐被坐擅殺名溫悟杖釋之 上賜友聞帛五匹于光初事
徐壽輝以陳友諒弑逆來奔累功年四十有三 上遣官祭
以少牢賻侑雞鳴山功臣廟


黃金曰唐劉感以驍騎將軍戍涇州為薛仁杲所圍城垂
陷長平王叔良救之賊乃解感與叔良出戰為賊執還圍
涇州令感約城中降感至城下大呼曰賊大飢亡在旦夕
秦王數十萬眾且至勉之無苦仁杲怒殺之今觀于光與

感事絕相類又嘆夫古今人未始不相及也嗚呼感之心
即光之心而光之功則浮于感然唐于感贈瀛州刺史爵
平原郡公封戶二十謚忠壯賜田宅光于此數者皆未之
有得豈聖朝崇德報功之典尚有闕歟當必有追議之者
詔赦臨洮吏卒之亡匿山谷者

戶部奏是歲郡縣墾田八百九十八頃

湖廣慈利縣叛蠻殺千戶覃友仁左丞周德興平章曹良臣
李伯昇討平之

溧水知縣郭雲為指揮使守禦南陽兼知南陽府事



是月設河東陝西山東北平河間福建都轉鹽運使司河東
陝西解鹽歲課三十萬四千引每引二百斤靈州鹽課司歲
課萬三千三百三十八引有奇引四百斤山東歲課十四萬
二千五引有奇北平河間歲課七萬八千八百五十引有奇
西域僧班的達等自中印度來朝

國權

鹽官設遷孺木著

庚戌洪武三年 夏開熙五年

正月卯朔 上受朝賀宴群臣奉天殿

置鞏昌平涼二衛平涼衛指揮秦虎率五千人屯田 西鳳平涼間

癸巳命徐達為征 大將軍浙江行省平章李文忠都督馮


勝為左右副將軍御史大夫鄧愈湯和為左右副將軍北

征沙漠諸將請直徧元主 上曰王保保 擴廓帖木兒家世封王故名 方

寇邊舍而遠圖也非計其分二道大將軍自潼關出西安檮

國權 洪武

二百五



定西取王保保左右副將軍出居庸入沙漠追元主母復留
塞外 上武冠御午門授節鉞大將軍出勒所部建牙鳴鼓
角鼓吹先驅百官以次出送
駙馬都尉王恭為福建行省叅政
甲午各按察司官來朝
募萊州水工航海餉永平衛
命中外風憲官與屬官禮視品級御史按察僉事行部拜郡
守郡守有罪得按治之
來安土知府岑漢忠招諭定遠等縣遣賜文綺上尊

定王府官制左右相左右傅各一叅軍一錄事二紀善一
上出黃金一錠示近臣曰此表箋袂盤龍金令宮人滌銘得
之又出雜綺絲片縫如毯曰此製衣所遺同緝為被
禮部定朝日春分夕月秋分星長祔于月從之


庚子遣使祀安南高麗占城山川

中書右丞王溥省墓

賜右丞楊憲名暉叅政陳亮名寧

置通州蔚州衛

壬寅吏部奏庶官有罪徙儋崖 上曰儋崖之民何譴馬更



當擇長史教導之

薛應旂曰嘗歷西北邊徼見郡縣長佐往往以人品凡庸及胥吏雜流為之土地瘠薄生理蕭條而此輩多逐鉛刀之利民不聊生欲稍為振起彷徨四顧並無可委之人乃知聖主之鴻謀遠慮不遺遐邇而凡為吏部當深思而重之也

癸卯元擴廓帖木兒屯安定縣之西巉恣掠

甲辰太常司定太廟朔望薦新及獻新禮

丁未享太廟

庚戌湖廣長州湖耳洞長官楊秀榮潭溪長官石文煥新化

長官歐陽萬平江蠻夷長官楊晟明歐陽寨長官楊再仲各

入貢賜冠服仍立潭溪湖耳洞新化歐陽古州及八萬亮寨

蠻夷軍民長官司

辛亥太常司卿胡惟庸為中書省叅知政事起居注魏觀為

太常司卿

壬子合肥衛改廬州守禦千戶所


癸酉故都督張德勝子宣嗣職初宣幼養子因嗣至是同更

氏汪興祖

國權

洪武

二百五



丁巳命戶部主事李亨急傳賑西安鳳翔飢民戶粟一石九

三萬六千八百八十九石

滕德懋為兵部尚書

刑部尚書鄱陽周洵入官輒責胥吏謫惠州府經歷

置大同左右二衛永平衛

沂邳山民作亂叅政陸聚討平之

二月辛酉朔立神帛制勅局

壬戌上行後苑見巢鵲卵翼之旁喟然而嘆命羣臣親老

許歸養元鎮撫陳興俘至言母在嵩州八旬餘求放歸贖遣之

甲子享先農

上合祀太歲月將風雲雷雨岳鎮海瀆山川城隍旗纛神諸

手署名

製四方平定巾頒天下

乙丑詔續元史儒士歐陽佑等上所採故元元統後遺事于

是翰林學士宋濂待制王禕總裁官儒士趙堦朱右貝瓊朱

世濂王彝張孟兼高遜志李懋李汝張宣張簡杜寅殷弼俞


同纂修焉時徵天台徐一夔不至

丙寅中書省郎中夏惟武為戶部侍郎

國權

洪武

三十三



己巳大河衛火

指揮曹興才為山西行省叅政兼太原衛立太原左右二衛
庚午召江南富民赴闕 上口諭數千言刻布之曰教民榜

初元富室多武斷凌民故 上召諭之

開封倉糧三萬六千餘石虧支二百五十石 上以耗折不

問

上問禮部尚書崔亮朝參分左右何也曰朝參避君上

百官

升降俱卯陞朝左右列避馳道 上命省府臺官拜揖各從

甬道

癸酉命郊祀陳戶口賦籍于臺下祀訖謹藏于內府

甲戌故肇慶府經歷裴源奉檄值新興山賊死之贈晉二秩

罷太倉黃渡市舶司

丙子 上朝日于東郊

丁丑 皇子檀生

癸未故元帥郭子興追封滁陽王立廟滁州

乙酉指揮金朝興克東勝州


丁亥長淮泰州衛軍于淮安覆米二百七十餘石部議價

上以風故貸之

國權

洪武

二百五



置留守衛

戊子詔曰朕惟六部繁重在位未盡得人豈用才未廣與抑賢智抗志甘巖穴與其詔下有司務悉心推訪禮遣之

是月左都副將軍李文忠兵下興和進次察罕腦免擒元平章政事竹貞

命省部同太史令劉基攷古朝服公服之制

三月庚寅朔程昭為工部侍郎


詔曰朕即位以來思同民樂柰守將新成邊陲大將率師吐蕃轉運未已所在郡邑供給有後先豐斂有彼此雖嘗蠲免

猶患凋弊未蘓應天鎮江太平寧國廣德滁和給我軍士渡江之初至于平定朕無時忘之徽嚴金衢處廣信池饒廬以次歸附供給亦勞河南北平民久困兵山東河南壤相接亦宜培養庶得相率為生其皆免今年夏稅秋糧

壬辰清明享太廟侑常遇春

丙申給朝臣袍帶二千八百十有三人章服准原授散官如唐制不計見職

丁酉鄭州知州蘇琦上三事曰屯田積粟一選重臣分鎮統制諸番曰招流攜復業實中原 上善之



知府左安善為刑部侍郎

戊戌免徐邳夏稅

己亥裁處州慶元縣

庚子置秘書監

壬寅兵部尚書滕德懋改戶部秦迺程進為戶部左右侍郎
尋遷迺殿中侍御史

丙午賜京官絹帛有差

江西行省參政何真改山東

班駙馬都尉于百官上

戊申吏部侍郎李廷柱為戶部尚書李迺李仁為吏部侍郎
劉貞為兵部侍郎朱守仁為工部侍郎

戶部尚書杭琪坐事謫陝州知州

庚戌虎賁衛指揮潘毅卒遣祭賜塋臨濠贈鎮國上將軍僉


大都督府護軍追封滎陽伯謚武肅

辛亥置南寧柳州二衛改慶遠安撫司為慶遠府

壬子都督同知江興祖克武州朔州

甲寅改諸王冊寶制及冊封禮

丙辰置靖州衛



丁巳元國子祭酒孔克堅卒 孔子第五十五世孫 克堅入朝

上客禮之還卒下邳舟中年五十有五

立盱眙揚王神道碑翰林學士宋濂撰歲再祭

戊午徐達兵至定西擴廓退屯道峴達進次沈兒峪築壘偏

之時日中頻有黑子太史令劉基曰王保、雖可取亦未可

輕也 上勅達曰術者言西征有水警昔唐裴行儉屯兵平

川暮徙高阜人不之解其夜水溢丈餘幸亡恙將軍其慎之

是月遣萊州同知趙秩詔諭日本國王良懷

六安州人胡永興潘文友作亂殺判官朱謨掠英山知州陳

銘善子真擊敗之尋平

置察言司受四方章奏王文卿為察言司令

省博平清平夏津朝城觀城范縣館陶等縣

四月己未朔諸王冊寶成

癸亥夜有大星青赤色自下台北流文昌

甲子詔蒙古色目人等朕皆許入仕比聞多更姓易名以就

中國朕慮其子孫久而昧厥初非古聖王審本始別婚姻之


意中書省告諭之更者皆聽改

乙丑詔封 皇子櫟 秦王櫟 晉王楝 燕王楝 吳王楝 楚王楝

國權

洪武

三



齊王梓 潭王杞 趙王檀 魯王從孫守謙靖江王皆授冊寶齊
潭趙魯俱幼保傅護之趨拜


陳子龍曰諸王皆親 高帝子或從 帝定天下無不有
帝制心雖跨州連邑與漢不侔而厚擁貨財盛設兵衛縱
橫之資具矣莫不以天族逶迤龍章繽紛護衛皆騰健之
徒官屬有精采之士庶子子侯尚王支郡上公丞相拜伏
下塵儼然一國主焉至于建文君之時緣飾太平隙開諸
叔晁錯之謀益急田叔之火無聞傳以裨將幽之請室
文皇帝積不堪之心藉可乘之業奮兵北平奄有天物嗣
是而後虛禮攸崇昔權益脫夫既以此而得國即以此而
疑人人情不其然與故漢踵燕山之跡寧乘國統之虛而
山東輿觀江表焚舟良由勢弱形勢所憑非勝也

丙寅置大宗正院正一品

鄭九成為秦府左相汪河為晉府左相各兼陝西山西行省
參政

頒封王詔于安南高麗


徐達師出鞏昌之安迤縣次沈兒峪與擴廓帖木兒隔深溝
而壘而數戰敵千騎間下東山潛劫東南壘：驚左丞胡德



濟不能軍達乃身擊之遂斬東南壘將趙指揮等數人以狗
明日諸將悉力戰大敗之擒元帥鄭王文濟王及國公閻思
孝韓札兒虎林赤等官千八百六十五人吏卒八萬四千五
百餘人馬萬五千二百八十匹橐駝驢牛羊雜畜稱是擴廓
從宣城與其妻子數人得浮槎以濟遂奔和林械德濟于京
師都督郭英追擴廓帖木兒至寧夏不及而還然保先驅
掠人畜及師
所誅戮皆過當河南遂
空而平涼復為內地
戊辰秦王檣等謁謝太廟
夜大星青白色自天市垣之北流散為三没于虛宿

己巳釋元平章火兒忽答右丞哈海等北歸貽元主書曰前
再遣使致書久不還豈尚以往昔君民之分謂不當通問耶
君者天下之義主何常之有顧人心天命何如耳今日之事
非予所欲亦天命非人力也君其奉天順人遣使通好庶几
收近塞以延其宗祀若殘兵出沒為邊民患將悔之無及
壬申安南使臣杜舜欽上言陳日燿卒請命

癸酉 上素服御西華門見杜舜欽等遣翰林編修王廉往
祭醕五十金絹五匹命考功主事林唐臣封日燿安南國王
又命廉祭漢伏波將軍馬援于橫州



危素為翰林侍讀學士

甲戌夜月食

丁丑徽州衛改守禦千戶所

置蘭州衛

戊寅勅徐達增戍甘肅所俘部曲令從代蜀平即留戍之

庚辰立弘文館胡鉉為學士劉基危素王本中睢稼皆兼學士

乙酉勅徐達曰朕命將出師悉由節制將軍備知之浙江左

丞胡德濟從征定西壘中驚擾將軍不軍法從事械送京師

欲效衛青不斬蘇建獨不見穰苴之待莊賈乎將軍誅之則

已不誅吾且念其信州諸暨功不得不曲赦以伸吾私今後

將軍毋事姑息

丙戌元主妥懽帖睦爾殂于應昌年五十一太子愛猷識里

達臘嗣上謚惠宗皇帝太尉完者使觀音奴奉梓宮北葬


于慎行曰元明宗出適雲南去居沙漠有二子人長順帝

次寧宗考之正史元之北鄙有斯蘭兒部落來降封為郡

王明宗居沙漠納其裔孫罕及魯氏名曰邁來的生妥懽


帖睦爾即順帝也至順初徙之高麗使居大青島中尋詔

天下言明宗在日素謂非其子移于廣西靖江至寧宗崩



乃入承大統生十三年矣其記瀛國公入元與全太后俱
為僧尼賜田五百頃至正十二年河南盜起引亡宋故號
以為口實乃安置瀛國公之子和尚趙完普于沙州蓋德
祐父子曾俱為僧也順帝始末及瀛國踪跡在史有如此
而小說所記合尊生子事以為明宗在沙漠累以駙馬帝
為僧延明宗飲是日生子明宗乞養之即順帝也豈以明
宗納斯蘭之裔而宋帝又嘗為僧遂附會而成與然自謂
非其子則國史所傳亦必有說矣天道好還假趙氏之亂
以亡胡元亦冥報之所有者其跡曖昧國史所宜闕也

設遷曰終元之歷殆百餘年臺省禁近非瀚海貴臣則柳
林右族也釋劍而脩仁義彎弧而享神祇下至庚申君幹
難之牧猶蕃上都之甲未減而刑威日替方谷珍韓林兒
其人最微末不足汚三尺遂盪裂而莫之支者何也人主
宰割字內偶諉其柄賴股肱大臣同心一力令伯顏擅于
前字羅悖于後台衡紊度盜賊徧于天下將星未隕賜以
杜郵之劍曲沃不徙臨以臯洛之師又察罕無祿擴廓重
謫欲以圖存長治計之臣也自來亡主多有才藝以佐其
荒淫不軌不物自底于喪敗然覆國踣民何代蔑有子嬰



街壁孫皓輿櫬幽蘭之灰崖門之溺言之愴人帝獨竄免
不其幸乎或曰彼實有爽德出自宋裔神明之後厥罰未
酷雖其說未有明據安知蒼天之表不速其亂而寬其譴也
丁亥李思孟為大都督府叅議 是月湖廣慈利縣土酋覃
崖作亂平章楊璟討之勅擊賊遠久毋庸窮追輕動
置磨勘司太子伴讀高暉為立龍江左衛罷常州衛
五月己丑朔徐達遣左副將軍鄧愈招諭吐蕃自將取興元
寧國衛指揮僉事陳德成西征戰死岷州賜祭葬贈指揮副
使廕子千戶

辛卯遣翰林編修蔡雲侍儀舍人李震亨陳敏于謙等訪歷
代帝王陵廟

壬辰給北征軍草履十四萬八千餘人

翰林侍讀學士古田張以寧自安南道卒以寧元泰定丁還


卯進士歷官翰林侍讀學士入明官如故臨沒詩履身惟有

黔婁被垂橐都無陸賈金所著翠屏集若干卷行于世

設遷曰嘗見野史錄名臣及張學士以寧心竊非之以寧

起家光州判官尹六合又教授淮安入為國子助教預翰

林食元祿四十餘年其大父留孫禮部尚書父一清叅知



政事沐其世恩在明僅歲餘耳

等于危素雖使節安南無足論也

癸巳諭中書省臣曰今人書札多稱頓首百拜再拜殊不誠小人取名字往犯先聖賢或國號禮部定書式示四方所犯名字禁之

甲午復置司農司于河南領墾田鄉一人少卿二人丞四人乙未冊貴妃孫氏充妃吳氏惠妃郭氏寧妃郭氏定妃達氏順妃胡氏

嚴宮政 皇后不外預宮費奏自尚宮內使監覆之始支部否則論死或出私札罪如之宮人疾言其狀徵藥羣臣命婦

朔望慶賀止朝中宮母餘入

丁酉遣告諸王國內山川

詔守令詢舉學識篤行之士禮送京師

左副將軍李文忠左丞趙庸敗元太尉蠻子平章沙不丁朵兒只八刺于白海子之駱駝山進開平降平章上都罕等

都督孫興祖及燕山右衛指揮平定大興左衛指揮龐禮至三不刺川值上戰敗死之興祖濠州人贈行省左丞追封燕

山侯謚忠愍孫虎贈大都督府僉事追封為廣安郡伯


開國功臣

傳云孫虎追封樂浪郡伯

國權

洪武


三



已亥始開科舉詔曰成周取才貢士漢唐及宋各有定制前
元依古設科待士甚優其後權豪勢要引納奔競所得資品
或高于舉人士耻與並進甘隱不起朕統一中夏建官維賢
自今年八月始特設科舉之制士經明行脩博古通今名實
相稱者朕將親策于廷皆中外文武皆由是選非是毋得出
身因許高麗安南占城諸國以鄉貢赴試于京師
辛丑李文忠趨應昌距百餘里知元主殂兼程進
癸卯復值元兵大敗之追至應昌圍其城

校等駝馬牛羊亡筭得歷代金玉璽寶圭冊斧元嗣主與
數十騎遁文忠自率精騎追之至北慶州見角觶而還過興
州降元將江文清等三萬六千九百餘人至紅羅山又降楊
思祖等萬六千餘人班師

設遷曰禮不伐喪侯君集征高昌聞其喪引師而還元帝
雖失國寄主沙漠無祿即世不過十五日彼儼然衰經之中
副將軍倘懸軍百里外遣介使相唁兼告之曰奉命逐
北宜薄城下聞嗣君未輟哭仁人之所隱也然不能以虛
返進退唯命彼窮下喪氣有即遁耳如其不然鼓行而前



疇為禦之副將軍功在旦夕惜無以俟君集之事語之者

乙巳作南北郊齋宮

丁未行大射禮頒天下官吏學校

己酉蘭州衛指揮使張溫為大都督府僉事

辛亥考歷代服色夏尚黑商尚白周尚赤秦尚黑漢尚赤唐服飾尚黃旂幟尚赤宋尚赤今于赤為得其宜從之

徐達與都督馮勝叅政傅友德左丞李思齊自徽州南出略

陽擒元平章蔡琳遂入沔州又金興旺張龍自鳳翔入連雲

棧合攻興元降守將劉思忠金度祥達還西安

左副副將軍鄧愈自臨洮進克河州招諭吐蕃

罷祀壽星司中司命司民司祿

夜有大星自文昌東流天舡渡

癸丑增祀風雲雷雨于南郊天下山川于北郊


元江南儒學提舉楊維禎卒維禎浙江紹興府諸暨人文詞

雄富為南士稱首上徵至引疾去年七十五著書數百卷

甲寅增太廟各帝后幣二

湖廣行省平章楊璟攻單屋不下請兵餉初攻單屋寨賊下

戰敗之寨險峻纔通一人不可上雖再敗之賊詐降誘報我



將黃永謙 上讓之命參政戴德往仍撫慈利諸人如違制
并治爾潞州失利之罪


丙辰免蘇州逋租三十萬五千八百餘石初戶部欲罪其有
司 上以罪有司必虐民于是蠲之

山西蔚州定安縣大雨雹傷稼

丁巳 上念初時都先鋒府及各元帥都尉等官多物故或
無子存恤其家

復諭元將納哈出書曰天下已定高麗稱藩于是盧龍登萊
之師欲造遼左朕聞爾總其衆不忍重擾前使往不得要領
豈遠地遠我不能至與抑人謀不決與不然謂曩日來歸朕
不能虛懷耶何相忘之深也若實融以河西歸漢功右諸將
朕獨不為遼東故人留意乎哲人知幾毋貽後悔
寶雞縣進瑞麥 上曰日者鳳翔飢遣賑不數月獻瑞麥夫
民未粒食雖瑞麥何益第歲豐人給風俗淳美其瑞多矣麥
何異焉

六月戊午朔 上禱雨山川壇素服草履步往露坐晝曝夜卧
地 皇后與諸妃起執爨為農家食雜麻麥菽粟 太王諸
王躬饋于齋所三日庚申還宮齋宿廡下



辛酉出紗綵萬四千匹給將校例外給軍士薪水令法司決
獄下有司訪求天下儒術深明治道者

壬戌大雨

癸亥詔曰朕攷岳鎮海瀆之封起自唐世崇名美號歷代彌
隆夫是皆高山廣水自天地開闢至今英靈之氣萃而為神
必皆受命上帝幽微莫測豈國家封號可加忠臣烈士可以
加矣亦惟當時為宜夫禮明神人正名分者也今依古定制
皆以其神稱府州縣城隍第稱其府州縣城隍之神歷代忠
臣烈士如其當時名爵後世稱謚皆與革去惟孔子如舊天

下神祠不應祀典者有司毋祭


命僧克新等往西域招撫吐蕃仍圖其所歷山川險要

大都督府僉事華雲寵為都督府同知兼燕府左相

甲子定朝儀其殿廷失儀殿中侍御史糾之大都督失儀監
察御史糾之

禁淫祠制曰古者天子祭天地諸侯祭山川大夫士庶各有
所宜普天下之民下庶繁多人禱天瀆僭莫甚民間合祭
之神禮部定擬之祭先祖歲除祀灶春秋祈土穀之神

定五等勳爵



丙寅追封故姊太原長公主隴西長公主

戊辰廣西衛指揮使蔡仙為廣西行省叅政

庚午司天監改欽天監

徵江南富民詣闕既至親諭以生人處世治家持身之道恐其言久易忘刻而賜之翰林官宋濂詹同王禕起居注官陳敬奏事畢賜坐曰卿知朕訓民之意乎禕曰三代下人主知政不知教自古帝王身兼君師陛下訓民天下之師也

壬申左副將軍李文忠應昌捷至群臣稱賀上謂待御史

劉炳曰若元臣毋賀因榜禮部凡北捷故北元臣不得賀又


以元主達變謚曰順帝

設遷曰命故元臣毋賀予以砥節至嚴也諸君子舍彼介鱗依光日月方濯磨自效而竟以首陽風之不捫心自媿乎總管府判劉基翰林國史院編脩宋濂俱食元祿為開國第一流當日何以處之或所榜專大都降臣耶然官不論崇卑以一命而諱之恐賢者不自匿也

置惠民藥局

癸酉中書省榜應昌之捷上曰元雖夷狄君夏百年朕與

卿等父母皆賴生養天訖其終于朕何與捷音誇紙非所以



示四方速改之

元孫買的里八剌等及冊寶至京師省臣楊憲議獻俘上
曰冊寶貯庫不必進武王克殷亦俘之乎憲曰遠不能知唐
太宗行之矣上曰以待王世充恐不加隋氏元之德及朕
先人亦可俘也令胡服朝奉天殿畢賜漢衣冠母妃朝中宮
亦如之母陞見


福州地震

安南國王陳日烜遣院兼莫季龙入謝兼道卒歸其喪
已亥買的里八剌入朝賜第龍光山封崇禮侯居食聽適其

王之故

丙子都督同知汪興祖與指揮常守道出大同北擊元將速
哥帖木兒等大敗之

丁丑詔曰庚申之君不能有元天也其始首禍之徒欲為王
霸卒皆滅亡亦天也朕時年二十有四盤桓求生而已不謂
遂有天下維元遺孽時犯邊場勞我師旅今年五月十有五
日左副將軍李文忠兵至應昌庚申君已殂獲其嫡孫以禮
送至中書省臣請俘朕心不忍朕本允民天下之亂實非朕
致今定四海與之休息亦非朕能昏天也嗚呼君舟民水載



覆不常敢不畏哉仍遣官諭安南高麗占城 元主庚申生

詔諭元宗室部落臣民曰朕當即位之初遣使臨諭四夷咸奉職納貢惟漠北以庚申君故未及今祿位已終爾諸部酋長依職奉貢當給印還領所部毋為寇朕視華夷亡間允孽畜從便地牧養違者且舉兵加誅毋執迷貽悔其塞下因元喪亂征徭繁重供億勞苦朕甚憫焉詔至悉安所居毋驚擾廢耕牧

濟南知府陳脩及司農官言北土荒蕪招鄉民墾十五畝給二畝蔬之皆免科三年其馬驛巡檢司急遞鋪役人各墾田給牛種從之


戊寅詔諭雲南八番西域西洋瑣里瓜哇畏吾兒等國深水大雨水壞民舍命賑之

命各郡縣立城隍廟有司朔望致祭

嵩縣典史劉秩滿入京 上見其敝衣果廉謹賜布帛

庚辰中書右丞相汪廣洋罷侍御史劉炳望楊憲告誣其不孝

遣葬宋理宗顱骨于紹興永穆陵初侍讀學士危素言元世祖毀宋陵截理宗顱骨為西僧飲器 上購得之瘞城南至



是閱永穆陵圖勅葬

鳳翔衛指揮金興旺為大都督府僉事仍守興元秦府左相
耿炳文兼陝西行省右丞都督僉事郭子興為秦府少傅仍
兼陝西行都督府僉事都督同知汪興祖為晉府少傅兼山
西行都督府同知少傅謝德成為大都督僉事張溫兼陝西
行都督府僉事

故元四大王走太原靜樂奇嵐山中至是糾眾侵武州太原
衛指揮桑柱鄭亨等擊走之獲其兄脫火的帖木兒

辛巳令民間立義塚

山西行省言大同艱運請募商輸大同粟一石輸太原粟一
石三斗給淮引鹽二百斤從之

徙蘇松杭嘉湖富人四千餘戶佃臨濠

改應天知府曰尹


壬午宜興衛改守禦千戶所

秦府左相陝西行省右丞耿炳文署行都督府事

癸未增廣國子生擇文行之士克學官

乙酉改興元府曰漢中

置親軍都尉府及儀鸞司



惠安人陳同作亂屢敗官兵至是駙馬都尉王恭擊斬之

濼州大水延安雨雹傷稼俱免田租

是倭寇山東浙江福建沿海被其患福州衛軍大敗之擒

三百餘人

故元陝西行省土蕃宣慰使何鎖南普等鎮西武靖王卜納刺並降于鄧愈

七月丁亥朔續修元史告成共五十有三卷纂脩儒士趙堦朱

右朱濂乞歸

辛卯議建諸王邸秦王西王安晉王太原燕王北平楚王武

昌齊王青州潭王潭州

壬辰置水軍等二十四衛各五十艘軍三百五十人

立亭于午門外凡有政事可式及詔令善者俱勒于石

乙未翰林學士官宋濂翰林待制王禕坐失朝降編脩

寶源局火

丙申太常寺卿魏觀為翰林待讀學士唐肅為翰林應奉

置忙忽軍民千戶所隸綏州衛時故元叅政脫火赤等降授


副千戶

丁酉禮部主事王肅為侍郎

國權

洪武

三十一



置軍儲倉

己亥殿中侍御史秦适為廣西按察使監察御史王子啟胡
子祺為僉事諭曰須馭吏嚴明待民寬裕又曰毋責近效但
安靜俟之

定朔望御殿百官朝參禮

夜有大星自雲中流東北有光四尺餘

定功臣守墓人戶

壬寅給朝臣朝服公服

上海縣大風有物蔽空墮沙岡林彥英家俱楮幣


甲寅夏明昇進楠木

乙巳太常少卿陳昧為太常卿

吏部尚書黃岡吳琳致仕琳初授國子博士至今官告予村
居上嘗遣使覘之見老人力田私問吳尚書安在對曰身
是也使者以聞

陳善曰富貴亦何常朝而簪紱暮而耒耜可也今世士大
夫好以等威自尊即無深衣里社者况力田乎如吳公忘
其昂貴齒于老農雖行非中庸其去豪侈者已遠矣

周聖楷曰人臣潔身事主而陷危機者非盡其世之不淑



也或快意當前止足念少或功高譽重斂退未能古之覆
轍往々然矣吳公起自布衣屢登樞要獨能隱顯一致坐
化木天視夔門之旅觀斯為優矣

天下學識篤行之士應詔送至尚書考最得十八人桐廬魏
潛王訥河西李顏永豐丁節永嘉許士宏萬安夏瓚樂清李
時行衛輝陳士舉龍泉劉谷趙暉合肥夏起瑞安馬漢分宜
劉沂平陽孔希普永新歐陽子韶泰和王子啟安福歐陽楚
芳廬陵胡伯清吉水吳子祺是日太史奏文星見 上曰此
唐太宗一代之選朕得之一日皆拜監察御史胡子祺首奏


天下勝地可都者四河東高厚控制西北然其地苦寒士卒
不堪汴梁襟帶江淮然平曠無險可守洛陽周漢嘗都之然
嵩邙諸山非殺函終南之固澗澗伊洛非涇渭灞滻之雄故
山河百二可聳諸侯之望綿宗社之久舉天下莫關中若也
上善之

福建行者叅政蔡哲為御史臺侍御史

庚戌禮部侍郎黃肅降工部郎中尋拜工部侍郎

許天下軍民自占籍應役應天得六百二十三戶

壬子始役畿內芻以飼北馬



命平章胡美招河南故元擴廓帖木兒遺兵

汪仲海為禮部侍郎張亨為兵部侍郎劉崧為職方郎中

甲寅翰林應奉陶凱為禮部尚書

丙辰山東旱自五月至是月不雨

夏人侵漢中守將金興旺擊卻之明日再戰中矢不退斬數
百級我戍兵三千夏將吳友仁率兵三萬因間走寶雞告急
敵圍城發礮石拒之徐達遣友德以三千騎星趨黑龍江夜
襲木槽闕攻斗山砦令山上人燃十炬友仁驚遁

中書省右丞楊憲為左丞尋伏誅憲陽曲人少從宦江南諳

經史善辨 上克金陵留用使張士誠還除博士所諮議擢

江南行省都事敏決頗好陰中嘗勸 上督責之政不聽歷

司農卿倍稅浙西民甚苦之自河南山西行省內遷怙權更

制創一統山河之押覘僚吏背附編修陳桎賀其大貴奏除

待制嗾侍御史劉炳勒罷汪廣洋又劾刑部侍郎左安善

上覺其枉下炳獄太史令劉基併發憲奸狀引伏于是劉炳

陳桎 按察使凌總等俱棄市初 上問相于劉基右丞

楊憲何如基故善憲曰憲有相才非相器必敗問汪廣洋何

如曰褊淺殆甚憲耳問胡惟庸若何曰此小獷將破轅積犁

